

Юстинск районд өвс хадлгънд муугъар белдджәнә

Эн джил цасн, хур икәр ордж, газриг сәәнәр норгъв. Эн темдгәр болхла, эн джил өвснә ургъц сән болх зөвтә. Тегәд олна малд элвгәр хот белдхин тәлә эртәснъ өвс хадлгъна кәдлмшт белдвр сәәнәр кехмн.

Болв Юстинск района совхозмуд өвс хадлгъна кәдлмшт муугъар белдвр кеджәнә. Келхд, района цуг совхозмудар 32 трактор, өвс хаддг 90 машин, эврән йовад өвс хаддг 35 машин, 24 мааджур, ковньглдг 17 машин, нань чигн өвс хаддг машид ясгцад уга. Тер дотр „Никольский“ совхозд өвс хадлгъна машид яслгъна кәдлмшиг йир сулар кеджәнә. Үлгүрлхд, эн совхоз „К-6Б“ гидг өвс хаддг 22 машин, ковньглдг 7 машин ода күртл яслгънас гарад уга.

„Полынный“, „Енотаевский“ „Раздольный“, „Никольский“ совхозмудин машид дигтәгъяр эс ясгддж. Тер дотр, шалгъснъ диглдж ормднъ эс суулгъагддж. Тегәд, өвс хадх

цагт эс диглдж ясгдсн машид хамхрдж одхнъ түргн болмн.

КПСС-н Юстинск райком болн района куцагч комитет өвс хадлгъна машид яслгъна кәдлмшиг эврәннъ хургтан тәвдж куундвр эс кедж. Эн йовдл хаджгър гидж тоолх кергтә.

Тегәд, шидрәс совхозмудин эклц партийн организацс, өвс хаддг машид белдлгънә кәдлмш ягъдж кегддж йовхиг хуртт тәвдж куундвр кегъад, дуту-дундсинъ эртәснъ чиклдж, өвс хадлгъна белдврин кәдлмшиг чинртәгъяр кедж куцах зөвтә.

Коммунистнриг болн комсомольцнриг өвс хадлгъна кәдлмшт шунмгъагъяр орлуудж цуг кәдлмшчнр болн механизатормуд дунд социалистическ дөрлдә делгрүлдж, олна малд элвгәр өвс белдх—эрки керг болджана.

П. ЗАВЬЯЛОВ.

КПСС-н обкомин селәнә эдл-ахун
отделин инструктор.